

ÁKVÖRÐUN FRAMKVÆMDASTJÓRNARINNAR

2002/EES/03/23

frá 17. febrúar 2000

um breytingu á ákvörðun 98/361/EB um skrá yfir svæði á Spáni sem eru viðurkennd með tilliti til smitandi blóðmyndandi frumudauða og veirublóðeitrunar(*)

(tilkynnt með númeri C(2000) 373)

(2000/187/EB)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 91/67/EBE frá 28. janúar 1991 um skilyrði á sviði heilbrigðis dýra sem hafa áhrif á markaðssetningu fiskeldistegunda og -afurða ⁽¹⁾, eins og henni var síðast breytt með tilskipun 98/45/EB ⁽²⁾, einkum 2. mgr. 5. gr.,

og að teknu tilliti til eftirfarandi:

- 1) Aðildarríkin geta, að því er eitt eða fleiri meginlands- eða strandsvæði varðar, öðlast stöðu viðurkennds svæðis sem er laust við smitandi blóðmyndandi frumudauða (IHN) og veirublóðeitrun (VHS).
- 2) Með ákvörðun framkvæmdastjórnarinnar 98/361/EB ⁽³⁾, eins og henni var síðast breytt með ákvörðun 1999/513/EB ⁽⁴⁾, fengu tiltekin vatnsöflunar- og strandsvæði á Spáni stöðu viðurkennds meginlands- svæðis og viðurkennds strandsvæðis að því er varðar smitandi blóðmyndandi frumudauða og veirublóðeitrun.
- 3) Spánn hefur lagt fyrir framkvæmdastjórnina vitnisburð því til stuðnings að öðlast stöðu viðurkennds svæðis fyrir tiltekin önnur vatnsöflunarsvæði í sjálfsstjórnarhéraðinu Castilla-León að því er varðar smitandi blóðmyndandi frumudauða og veirublóðeitrun ásamt innlendum ákvæðum sem tryggja að farið sé að reglum um viðhald viðurkenningar.

4) Athugun á þessum upplýsingum hefur leitt í ljós að óhætt er að veita þessum vatnsöflunarsvæðum stöðu viður- kennds svæðis.

5) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um dýra- heilbrigði.

SAMÞYKKT ÁKVÖRÐUN ÞESSA:

1. gr.

Viðaukinn við þessa ákvörðun kemur í stað viðaukans við ákvörðun 98/361/EB.

2. gr.

Ákvörðun þessari er beint til aðildarríkjanna.

Gjört í Brussel 17. febrúar 2000.

Fyrir hönd framkvæmdastjórnarinnar,

David BYRNE

framkvæmdastjóri.

(*) Þessi EB-gerð, sem birtist í Stjtið. EB L 59, 4.3.2000, bls. 14, var nefnd í ákvörðun sameiginlegu EES-nefndarinnar nr. 42/2001 frá 30. mars 2001 um breytingu á I. viðauka (Heilbrigði dýra og plantna) við EES-samninginn. Sjá EES-viðbæti við Stjórnartíðindi Evrópubandalaganna nr. 30, 14.6.2001, bls. 13.

⁽¹⁾ Stjtið. EB L 46, 19.2.1991, bls. 1.

⁽²⁾ Stjtið. EB L 189, 3.7.1998, bls. 12.

⁽³⁾ Stjtið. EB L 163, 6.6.1998, bls. 46.

⁽⁴⁾ Stjtið. EB L 195, 28.7.1999, bls. 39.

VIÐAUKI

A. SKRÁ YFIR SVÆÐI Á SPÁNI SEM ERU VIÐURKENND MEÐ TILLITI TIL SMITANDI BLÓÐMYNDANDI FRUMUDAUÐA OG VEIRUBLÓÐÆITRUNAR

I. HÉRAÐ: SJÁLFSSTJÓRNARFYLKID ASTÚRÍA

1. **Meginlandssvæði**

Öll vatnsöflunarsvæði Astúríu, að ánni Eo undanskilinni.

2. **Strandsvæði**

Allar strendur Astúríu.

II. HÉRAÐ: GALISÍA

1. **Meginlandssvæði**

Vatnsöflunarsvæði Galísíu:

- að meðtöldum vatnsöflunarsvæðum árinna Eo, árinna Sil frá upptökum í fylkinu León, árinna Miño frá upptökum að Frieir-stíflunni og árinna Limia frá upptökum að Das Conchas-stíflunni,
- að undanskildu vatnsöflunarsvæði árinna Tamega.

2. **Strandsvæði**

Strandsvæði Galísíu frá mynni árinna Eo (Isla Pancha) að Cabo Silliero í Ría de Vigo.

Strandsvæðið frá Cabo Silliero að Punta Picos (mynni árinna Miño) telst vera hlutleysissvæði.

III. HÉRAÐ: SJÁLFSSTJÓRNARFYLKID ARAGÓNÍA

Meginlandssvæði

- Áin Aragón frá upptökum að Caparroso-stíflunni í sveitarfélaginu Navarra,
- áin Gállego frá upptökum að Ardisa-stíflunni,
- áin Sotón frá upptökum að Sotonera-stíflunni,
- áin Isuela frá upptökum að Arguis-stíflunni,
- áin Flumen frá upptökum að Santa Maria de Belsue-stíflunni,
- Áin Guatizalema frá upptökum að Vadiello-stíflunni,
- áin Cinca frá upptökum að Grado-stíflunni,
- áin Esera frá upptökum að Barasona-stíflunni,
- áin Noguera-Ribagorzana frá upptökum að Santa Ana-stíflunni,
- áin Huecha frá upptökum að Alcalá de Moncayo-stíflunni,
- áin Jalón frá upptökum að Alagón-stíflunni,
- áin Huerva frá upptökum að Mezalocha-stíflunni,
- áin Aguasvivas frá upptökum að Moneva-stíflunni,
- áin Martín frá upptökum að Cueva Foradada-stíflunni,
- áin Escuriza frá upptökum að Escuriza-stíflunni,
- áin Guadalope frá upptökum að Caspe-stíflunni,
- áin Matarraña frá upptökum að Aguas de Pena-stíflunni,
- áin Pena frá upptökum að Pena-stíflunni,
- áin Guadalavíar-Turía frá upptökum að Generalísimo-stíflunni í fylkinu Valencia,
- áin Mijares frá upptökum að Arenós-stíflunni í fylkinu Castellon.

Önnur vatnsföll í Comunidad de Aragón og áin Ebro, þar sem hún rennur um áður nefnt Comunidad, teljast vera hlutleysissvæði.

IV. HÉRAÐ: SJÁLFSSTJÓRNARFYLKID NAVARRA

Meginlandssvæði

- Áin Bidasoa frá upptökum að mynni hennar,
- áin Leizarán frá upptökum að Leizarán-stíflunni (Muga),
- áin Arakil-Arga frá upptökum að Falces-stíflunni,
- áin Ega frá upptökum að Allo-stíflunni,
- áin Aragón frá upptökum í fylkinu Huesca (Aragón) að Caparroso-stíflunni (Navarra).

Önnur vatnsföll í Comunidad de Aragón og áin Ebro, þar sem hún rennur um áðurnefnt Comunidad, teljast vera hlutleysissvæði.

V. HÉRAÐ: SJÁLFSSTJÓRNARFYLKID CASTILLA-LEÓN

Meginlandssvæði

- Áin Duero frá upptökum að Aldéavila,
- áin Ebro frá upptökum hennar í fylkinu Cantabria að Sobrón-stíflunni,
- áin Queiles frá upptökum að los Fayos,
- áin Tiétar frá upptökum að Rosarito,
- áin Alberche frá upptökum að Burguillo.

Önnur vatnsföll í fylkinu Castilla-León teljast vera hlutleysissvæði.

B. SKRÁ YFIR VIÐURKENNDAR ELDISSTÖÐVAR Á SPÁNI MEÐ TILLITI TIL SMITANDI BLÓÐMYNDANDI FRUMUDAUDA OG VEIRUBLÓÐÆITRUNAR

HÉRAÐ: SJÁLFSSTJÓRNARFYLKID ARAGÓN

- Truchas del Prado í Alcalá de Ebro, fylkinu Zaragoza (Aragón).
